

# STATUTO DEL COMUNE DI POZZUOLO – STATÛT DAL COMUN DI PUÇUI

Titul I	<i>Principis gjenerâi e programatics</i>
Art.1	Principis fundamentâi
Art.2	Finalitâts
Art.3	Funzions, programazion, e formis di cooperazion
Art.4	Partecipazion, decentrament, cooperazion
Art.5	Teritori e sede comunâl
Art.6	Liste pretorie
Art.7	Steme e confenon
Art.8	Servizis publics
Titul II	<i>Orghins dal Comun</i>
Art.9	Orghins
	<i>Cjâf I - Consei Comunâl</i>
Art.10	Elezions dal Consei Comunâl
Art.11	Convocazion
Art.12	Competencis
Art.13	Funzionament
Art.14	Lis Comissions consiliârs
Art.15	Disponibilitât struturis comunâls
Art.16	Prerogativis dai conseîrs
	<i>Cjâf II - Zonte Comunâl</i>
Art.17	Composizion
Art.18	Elezion dal Sindic
Art.19	Nomine de Zonte
Art.20	Competencis de Zonte
	<i>Cjâf III - Sindic</i>
Art.21	Competencis dal Sindic
Art.22	Vicesindic
Art.23	Sfiducie costrutive, revoche e sostituzion
Art.24	Dimissions, impediments, rimozion, decadence
Art.25	Responsabilitât
Art.26	Oblic di astension

Titul III	<i>Orghins burocratics e uficis</i>
	<i>Cjâf I – Segretari Comunâl</i>

Art.27	Segretari Comunâl
Art.28	Funziions dal Segretari Comunâl
Art.29	Vicesegretari
Art.30	Principis struturâi e organizatîfs
Art.31	Organizazion dai uficis e dal personâl
Art.32	Regolament dai uficis e dai servizis
Art.33	Dirits e dovês dai dipendents
Art.34	Diretôr gjenerâl
Art.35	Funziions dal diretôr gjenerâl
Art.36	Responsabil dai uficis e dai servizis
Art.37	Funziions dai responsabii dai servizis
Art.38	Incarghis dirigjenziâls e di alte specializazion
Art.39	Colaboraziions esternis

Titul IV *L'ordenament finanziari*

Art.40	Demani e patrimoni
Art.41	Bens patrimoniâi disponibii
Art.42	Contrats
Art. 43	Contabilitât e bilanç
Art. 44	Revisôrs dai conts

Titul V *La ativitât normative*

Art. 45	Cjamp di aplicazion dai regolaments
Art. 46	Procediment di formazion dai regolaments

Titul VI *Partecipazion popolâr*

*Cjâf I – Istitûts de formazion*

Art.47	Libaris formis associativis
Art.48	Consultaziions
Art.49	Consultis
Art. 50	Dirit di petizion
art. 51	Referendum consultîf o propositîf

*Cjâf II – Partecipazion al procediment*

Art. 52	Dirit di partecipazion al procediment
---------	---------------------------------------

*Cjâf III – Dirit di acès e di informazion*

Art.53	Publicitât dai ats
Art.54	Dirit di acès
Art.55	Periodic di informazion

*Cjâf IV – Difensôr Civic*

Art.56 Istituzions, atribuzions  
Art.57 Rapuarts cui orghins comunâi

Titul VII *Revision dal Statût*

Art.58 Modalitâts  
Art.59 Disposizions finâls e transitoriis

# TITUL I

## PRINCIPIIS GJENERÂI E PROGRAMATICS

### Art.1

#### PRINCIPIIS FONDAMENTÂI

1. Il Comun di Puçui al è Ent Autonom in suaze dai principis fissâts de Costituzion, dai Pats e Tratâts Internazionâi, des Leçs Gjenerâls de Republiche, de Regjon Autonome Friûl - Vignesie-Julie, e di chest Statût; al rapresente la sô comunitât, al stâ daûr dai siei interes e a 'ndi inviule il svilup e la cualitât de vite.
2. L'ent tal istès timp al è part integrant de Comunitât Europeane e de Comunitât Mondiâl e al concor ae promovion de culture, de pâs, de solidarietât e de cooperazion internazionâl pal svilup.
3. Il Comun al è autonom pal so statût, par la sô organizazion e par lis sôs financis e al à lis sôs funzions tribuidis o delegadis.
4. Il Statût presint , jenfri i principis fissâts de Leç, al fisse lis normis fundamentâls pe organizazion dal Ent.
5. Il Comun al pues puartâ indenant lis sôs funzions ancje grazie aes ativitâts che a puedin jessi metudis in vore dai pingui citadins par mieç di iniziative libare o in forme associate , che a vignaran dissiplinadis di un Regolament a pueste.

### Art.2

#### FINALITÂTS

1. Il Comun al seonde la colaborazion e la cooperazion cul jutori dal Istitût dal Patrocini di ducej i sogjets publics e privâts, al promôf la partecipazion ae Publiche Aministrazion dai singui citadins, des fuarcis sociâls, economicis e sindacâls.
2. Pe sô azion il Comun a si inspire a chescj criteris e principis:
  - a) la promovion de funzion sociâl e iniziative economiche sedi publiche sedi private, ancje cul svilup di formis di associazionisim economic e di cooperazion, la promovion e la valorizazion des organizacions di volontariât e des altris associazions. A lôr si ur ricognòs l'acès aes structuris e ai servizis comunâi midiant la adozion di regolaments e convenzions. Il Comun al ricognòs, cun di plui, il rûl specific des comunitâts parochiâls intai respetîfs cjamps di ativitât;
  - b) la tutele de famee, de maternitât e de prime infanzie, la metode in vore di un valit servizi di assistance sociâl, cuntun voli di rivuart pai anzians, pai minôrs, pai invalits, pai pidimentâts, par chei che a son taiâts fûr de societât e par chei sogjets che, par cualsisei mutîf, a vivin in situazions di dibisugne, cu la adozion di specifichis "cjartis dai dirits";

- c) il sosten ae realizazion di un sisteme globâl e integrât di sigurece sociâl e di tutele ative de persone;
- d) garantî, te sfere de sôs competencis, il dirit ae salût, la metode in vore dai mieçs juscj par rindilu efetif, curant so redut l'aspjet preventîf cun particolâr riuart ae tutele de sanitât e de sigurece dal ambient e dal puest di lavôr, in sintonie cu lis esigjencis de produzion;
- e) la adozion des misuris che a coventin par mantignî, difindi e valorizâ l'ambient inte sô complessitât metint in vore plans pe difese de tiere e di ce che al è sot tiere, e par gjavâ vie lis causis dal incuinament atmosferic, acustic e des aghis, la tutele dal patrimoni storic, artistic e archeologic, garantint il gjoldiment a dute la comunitât; l'ûs des facultâts di espressions di parês, ricognossudis dal ordenament, in ordin ae realizazion di oparis publichis de bande di altris ents; il ricognossiment di puescj di grant valôr naturalistic, paisagjistic, storic e ambientâl dal Torent Cormôr e des tieris impuartantis dal pont di viste ambientâl, e a 'ndi inviâle azions di protezion, restaurazion e di valorizazion ancje dacuardi cun altris Ents publics e organisims associatîfs che a si prefissin daûr ce che al proviôt il Statût, obietîfs di difese, restaurazion e valorizazion ambientâl e paisagjistiche;
- f) inviâ il svilup dal patrimoni culturâl, ancje inte sô forme di lenghe, di usancis e di tradizions locâls;
- g) incoragjâ e promovi il sport amatoriâl in ogni sô manifestazion, cun chê di avantazâ in particolâr l'istituzion e il svilup dai Ents, Organisims e Associazions ricreativis e sportivis. Impegnâsi par la creazion di struturis adeguadis, di servizis e di implants, e cun di plui sigurâ la jentrade ai Ents, Organisims e Associazions;
- h) il sosten ae ativitât educative, dreçade in particolâr ae Famee, ae Scuele e aes ativitâts culturâls;
- i) al garantîs stessis oportunitâts tra om e femine daûr de Leç n. 125 dal 10/04/1991 e al ispirare la sô azion, di mût che a sedin, di regule, dutis e dôs lis parts presintis in ducj i orghins colegjâls dal Comun;
- j) favorî e promovi la agregazion zovanîl e il rûl atîf dai anziani inte societât; a son dadis dongje a tal riuart consultis di pueste disciplinadis dal Regolament;
- k) al tutele la informazion sul dirit ae obiezion di cussience;
- l) al promôf e al incentive lis iniziativa socio-culturâls ricreativis e sportivis, ancje cul istitût dal patrocini, la erogazion di contribûts e di sovencions o metint a disposizion il so implant tecnic o di manutenzion e i siei mieçs par predisponi lis struturis che a coventin pe realizazion des manifestazions;
- m) al ricognòs lis Pro-Lucs, e lis associazions tra di lôr, tant che mieç di promozion de ativitât turistiche, sociâl e ricreative partant, come ent di riferiment tecnic che al covente in materie, a 'ndi inviule e avantaze lis ativitâts garantint a lôr l'ûs agevolât o sore nuie di struturis, servizis e implants ancje midiant convenzions a pueste;

- n) al fâs buinis lis iniziativis dai Citadins e des lôr formazions sociâls, in particulâr lis prestazions di cualchi membri de Scuadre comunâl di Protezion civîl, al di fûr des sôs funzions istituzionâls, tant che a lôr a puedin jessi assegnâts compits e voris a secont dai mûts, individuâts volte par volte, de Aministrazion comunâl.
3. La maniere di doprâ lis structuris publichis, i servizis e i implants al sarâ normât di un Regolament a pueste che al varâ ancje di previodi la partecipazion dai Ents, Orghins e Associazions aes spesis di gjestion, tal câs che nol sedi previodût l'ûs sore nuie par fins particulârs di caratar sociâl; cuant che il câs al è chel a si va daûr lis normis in materie di servizis individuâi.
  4. Il Comun al ricognòs e al presee l'ûs de Lenghe Furlane, come patrimoni storic de Comunitât Locâl, e a 'ndi prudele l'ûs normantlu midiant di Regolaments. Al sosten lis ativitâts des Associazions Culturâls e di personis impleadis te promozion e tal studi de Lenghe Furlane.
  5. Il Comun, secont i podês dâts des Leçs in materie di colaborazion tra i Ents Locâi nazionâi e forescj e intal spirt de Cjarte Europeane de Autonomie Locâl, al ricercje, midiant zimulament o altris formis di relazions stabilis, leams di colaborazion, solidarrietât e amicizie.
  6. Il Comun al seonde, cun particulâr rivuart ai Comuns che a son dongje e convicins di Udin, lis formis associativis e di cooperazion e i acuardis di program che di lôr si cjacare tal Titul II Cjâf V dal D. Lgs. 18.08.2000, n. 267.
  7. Il Comun al inviule formis di partecipazion ae vite publiche locâl dai Citadins de Union Europeane e dai forescj che a son a stâ regolarmentri, secont ce che al dîs l'art. 8, come 5, dal D.Lgs 18.08.2000, n.267.
  8. Il Comun pe emanazion dai siei provvedimenti, al met in vore i principis nomenâts inte Leç 27.07.2000, n.212.

### Art.3

#### FUNZIONI, PROGRAMAZION, E FORMIS DI COOPERAZION

1. Il Comun al realize lis sôs finalitâts metint in vore la maniere e i struments de programazion secont ce che al dispon l'art. 5 dal D.Lgs. 18.08.2000, n. 267.
2. Al Comun ai tocjin dutis lis funzions amministrativis che a rivuardin la popolazion e il teritori comunâl, in particulâr il setôr dai servizis sociâi, l'asset e l'ûs dal teritori, il svilup economic, la educazion sociâl e lis ativitâts ricreativis e sportivis, gjavât fûr dut chel che nol è di pueste tribuît a altris sogjets da lis Leçs statâls e regionâls.
3. Il Comun al coordene lis ativitâts comerciâls e al inviule la organizazion razionâl dal implant distributîf, par garantî la miôr funzionalitât e produtivitât dal servizi di rindi al consumadôr.
4. Al tutele e al seonde il svilup dai setôrs leâts a la produzion e disribuzion, inmaneant iniziativis che a prudelin ativitâts, in armonie cu lis esigjencis di tutele ambientâl e de Comunitât.

5. Al sosten formis associativis di cooperazion e di autogjestion jenfri i lavoradôrs.
6. Al imbastîs, cuntun plan a pueste, i oraris e i servizis dai esercizi publics, par fâ cressi la pussibilitât dai citadins, dai utents e dai consumadôrs di doprâju.
7. Il Comun al trate, in particolâr, lis funzions amministrativis, intai tiermins de normative nazionâl e regionâl cumò in vore:
  - a) planificazion dal teritori;
  - b) viabilitât, trafic e traspuarts;
  - c) tutele e valorizazion dai bens culturâi, archeologjics e dal ambient;
  - d) difese de tiere, tutele gjeologjiche de aghe, smaltiment des scovacis;
  - e) servizis pal svilup economic e la distribuzion comerciâl;
  - f) predisposizion di struments jusecj pe protezion civîl;
  - g) servizis par chescj setôrs: sociâl, sanitari, scolastic, culturâl, sportîf e altris servizis che a rivuardin la citât;
  - h) altris servizis che a jentrin inte cure dai interès de comunitât e dal so svilup;
  - i) polizie amministrative par dutis lis funzions di competence comunâl;

#### Art.4

#### PARTECIPAZION, DECENTRAMENT, COOPERAZION

1. Il Comun al seonde la sô autonomie garantint la partecipazion reâl di ducj i citadins ae ativitât politiche e amministrative dal Ent, secont i principis fissâts dal art. 8 dal D.Lgs. 18.08.2000, n. 267.
2. Al ricognòs che il supuest de partecipazion e je la informazion sui programs, su lis decisions e su lis disposizions comunâls e, a tal fin, al cure la istituzion di mieçs e struments adats di mût che dutis lis informazions sore la ativitât dal Ent a rivin ai Citadins, stabilint, in particolâr, rapuarts permanents cui orghins dai mieçs di comunicazion.
3. Il Comun al ricognòs la cooperazion tant che element essenziâl pe cressite e par il svilup socio-culturâl e economic, e partant al difint il spirt di libare forme di colaborazion.

#### Art.5

#### TERITORI E SEDE COMUNÂL

- 1 La circoscrizion teritoriâl dal Comun e je costituide de Comunitât di Puçui, Cargnâ, Cjarpenêt, Samardencje, Terençan e Çuijan.

- 2 Lis assembleis dai orghins eletîfs a vegnin fatîs inte sede comunâl. Dome in câs ecezionâi, e par esigjencis particolârs e mutivadis, il Consei al pues dâsi dongje in puescj diviers de sô sede istituzionâl.
- 3 La delimitazion dal teritori comunâl e pues jessi cambiade cun Leç de Regjon e daûr lis normis adotadis in materie de Regjon stesse.

Art.6  
LISTE PRETORIE

- 1 La zonte Comunâl e individue tal palaç civic un spazi a pueste indulà tignî la liste pretorie pe publicazion dai ats e dai avîs previodûts de leç, dal statût e dai regolaments.
- 2 Par altris formis di publicitât dai ats, a puedin jessi individuâts spazis adats ancje intes fraziions dal Comun.

Art.7  
STEME E CONFENON

- 1 Il Comun al à un so confenon e un so steme, adotâts cun deliberazion dal Consei Comunâl.
- 2 Intes cerimoniis e intes altris ricorencis, si pues esibî il confenon comunâl inte fate autorizade.
- 3 L'ûs e la riproduzion di chescj simbui, par fins no istituzionâi, a son improibîts.
- 4 In deroghe al come 3 la Zonte Comunâl e pues autorizâ l'ûs e la riproduzion dal steme dal Comun par fins no istituzionâi dome indulà che al è un interès public.

Art.8  
SERVIZIS PUBLICS

- 1 Il Comun, pe gjestion dai servizis o des funziions, al pues disponi, daûr dal D.Lgs. 18.08.2000, n.267:
  - a. la costituzion di aziendis speciâls;
  - b. la partecipazion a consorzis o a societâts par azions indulà che il capitâl public locâl al è prevalent;
  - c. la stipule di convenziions a pueste o di acuardis di program cun altris Comuns o Ents publics interessats ae gjestion dal servizi o de funzion, lant daûr di volte in volte a ce che al è previodût dal D.Lgs. 18.08.2000, n.267;



- d. la costituzion di une istituzion a pueste par l'esercizi di servizis sociâi che no vedin relevance imprenditoriâl;
  - e. la concession a tierçs;
  - f. la costituzion di acuardis di program o il ricors a altris sistemis pe realizazion di oparis publichis; in particolâr il Comu al seonde e al promôf l'istitût previodût dal art. 37/bis de Leç 11/02/1994, n.109 e des Leçs Regjonâls in vore e in particolâr dal art. 19 de Leç Regjonâl 29.03.2000, n.7;
  - g. formis di sponsorizazion daûr art. 119 dal D. Lgs 18.08.2000, n.267.
- 2 Il Comu al ricognòs, in mût particolâr, la necessitât di rivâ a un sisteme di gjestion dai servizis integrât daûr lis disposizions dal Titul II, Cjâf V dal D Lgs. 18.08.2000, n.267, e dal art. 2, come 6, di chest Statût.

## TITUL II ORGHINS DAL COMUN

### Art.9 ORGHINS

- 1 A son orghins dal Comun:
  - a) il Consei Comunâl
  - b) la Zonte Comunâl
  - c) il Sindic

## CJAPITUL I CONSEI COMUNÂL

### Art. 10 ELEZION DAL CONSEI COMUNÂL

1. La elezion dal Consei Comunâl, la sô durade, il so numar e la posizion juridiche dai Conseîrs a son regolâts de Leç.
2. I Conseîrs a jentrin in carche intal at de proclamazion ven a stâi, in câs di sostituzion, cuant che e ven adotade dal Consei la delibare relative.
3. I Conseîrs, a front di un dissiolziment dal Consei Comunâl, a continuin a puartâ indenant lis funziions esternis a lôr conferidis fintant che al ven nomenât un lôr sucessôr.
4. Il Consei Comunâl tal at de publicazion dal decret di convocazion dai comizis eletoarî, al reste in carche fin ae elezion dal gnûf Consei; dilunc di chel periodi, al varà di davuelzi dome ats urgjents o che no si puedin rimandâ.
5. Il Consei Comunâl al è convocât dal Sindic. La prime sentade e à di tignîsi dentri dal tiermin perentori di n° 10 dîs daspò de convocazion.
6. I Conseîrs si metin adun par grups che, di norme, a corrispuindin ai partîts politics rapresentâts in Consei; la mancjade declarazion di apartignince al grup dentri il tiermin fissât dal regolament e compuarte la costituzion di un grup miscliçât.
7. Il regolament al fisse, in plui, il tiermin par presentâ il non dentri il cuâl i grups consiliârs a segnalin il lôr cjâf-grups.
8. I Conseîrs Comunâi a rapresentin la Comunitât citadine cence vincul di mandât.

Art. 11  
CONVOCAZION

1. Il Sindic su istance di almancul un cuint dai Conseîrs, al proviôt a clamâ dongje il Consei dentri dai 20 dîs rispjet ae presentazion de lôr domande formâl, metint dentri tal ordin dal di lis cuistions che si vuelin frontâ.
2. Il Consei al dopre lis comissions metudis adun dentri di lui. I podês, la organizazion e il funzionament des comissions a son disciplinâts dal regolament.
3. Lis sentadis dal Consei Comunâl, gjavâts fûr i câs previodûts dal Regolament e de Leç, a son publichis.
4. Lis propuestis di deliberazion inmaneadis dal Responsabil dal Servizi e furnidis dai ats e parês relatîfs, a son metudis a disposizion dai Conseîrs, li de Segreteria comunâl, almancul cuatri dîs prime de sentade. Il Regolament al pues alçâ il tiermin a sîs dîs par certis categoriis di ats. Il tiermin al è scurtât a une zornade tal câs che la convocazion e sedi urgente.
5. Tal câs di convocazion promovude di un cuint dai Conseîrs, lis propuestis di deliberazion, de bande di chei che a proponin, a varan di jessi depositadis cu la domande di convocazion dal Consei Comunâl.

Art. 12  
COMPETENCIS

1. Il Consei Comunâl al è orghin di direzion e di control politic-aministratîf.
2. Il Consei Comunâl al esercite la potestât e al adote i provvedimenti che la Leç i conferîs.
3. Lis deliberazions di competence dal Consei Comunâl no puedin jessi adotadis in câs di premure di altris orghins dal Comun, gjavâts fûr i câs previodûts de Leç.

Art. 13  
FUNZIONAMENT

1. La ativitât dal Consei e je disciplinade de Leç, di chest Statût e dal regolament fat bon cu lis stessis modalitâts previodudis pe aprovazion dal Statût.
2. Il Consei Comunâl al esercite lis sôs funzions ancje cul jutori des comissions, sedi a caratar permanent o chês che a àn un fin specific, costituidis intal so grim cun criteri proporzionâl par ogni grup consiliâr e daûr lis modalitâts fissadis dal regolament di pueste.

3. I podês, la organizazion e lis formis des comissions, e in plui lis pussibilis audizions di rapresentants di associazions e esponents rapresentatîfs che a lavorin cun fins sociâi tal setôr dal servizi de persone, de tutele e de valorizazion dal patrimoni storic, culturâl e ambientâl dal Comun, a son fissâts dal regolament.
4. Lis sentadis des comissions consiliârs a son metudis a verbâl di bande di un dipendent dal Comun, che al fâs part de aree funzionâl competente par materie.
5. Il Consei al è clamât dongje in mût valit se, gjavât fûr de conte il Sindic, a intervegnin ai lavôrs almancul la metât dai conseîrs in carche. Lis delibaris su ce che lui al è clamât a esprimîsi a vegnin fatis buinis cun votazion a palês e a maiorance dai votants. I astignûts si contin cun chê che la sentade e sei legâl, ma no si calcolin tal numar dai votants. Ogni propueste e je aprovade cuant che i vôtts favorevui a àn la miôr su chei contraris, gjavadis fûr chês materiis che a pretindin une maiorance cualificade. In câs di paritât di vôtts la propueste no si intint aprovade.
6. Lis deliberazions che a rivuardin lis personis a àn di jessi fatis in sentade segrete, gjavâts vie i câs previodûts de Leç.
7. Il verbâl de sentade dal Consei al à di cjapâ dentri ducj i arguments des deliberazions, i ats adotâts, il numar dai vôtts favorevui, chei contraris, i nominatîfs dai Conseîrs astignûts par ogni propueste e, pes discussions, il struc dai interventis cui nons di chei che i àn partecipât. Lis deliberazions dal Consei a puedin ripuartâ piçulis considerazions dai Conseîrs che a àn fat palêse domande.
8. Il Conseîr al pues dî la sô par furlan: la leç e il regolament a fissin lis modalitâts e lis garantiis che a coventin pe verbalizazion dai interventis in lenghe furlane e pe juste comprension dal intervent de bande dai conseîrs e dal Public.
9. Il verbâl e lis deliberazions dal Consei a son sotscrits dal Segretari Comunâl e dal Sindic o di cui che, a norme di leç, al è stât a cjâf de sentade consiliâr.
10. La leture e la aprovazion dai procès verbâi des adunancis a son puartadis tal ordin dal dì de sentade consiliâr seguitive rispjetant dut câs il dirit di ogni conseîr presint di domandâ, cence jentrâ tal merit de discussion, retifichis tai siet dîs dopo il depusit li de Segreteria.
11. I Conseîrs Comunâi che no intervegnin ae sessions par dôs voltis seguitivis, cence un motîf justificât, a son declarâts decjadûts cun deliberazion dal Consei Comunâl. Il regolament al disciplinarà i câs di assencis par motîf justificâts.
12. A tâl rivuart il Sindic, fate la constatazion de assence cence mutîf de bande dal Conseîr, al proviôt cun comunicazion scrite a comunicâ al interessât l'inviament dal procediment amministratîf daûr dal art. 7 de Leç 07.08.1990, n. 241,.
13. Il Conseîr al à facultât di fâ valê lis justificazions de assence, e in plui di furnî al Sindic eventuai documents che a comprovin la veretât dentri il tiermin stabilît te comunicazion scrite, che dut câs nol pues jessi di mancul di 20 dîs de date dal riceviment.
14. In câs di sostituzion o suplence il Conseîr al jentre in carche cuant che il Consei Comunâl al varà adotât lis relativis deliberazions.

15. Lis dimissions de cjarie di conseîr comunâl a son disciplinadis dal art. 38, come 8, dal D. Lgs 18.08.2000, n.267.
16. Daûr dal art.45 dal D.Lgs. 18.08.2000, n.267, se un seç al reste vacant par cualsisei reson, il stes al è assegnât al candidât che te stesse liste al ven subit daûr dal ultin elet.
17. Tal câs di suspension di un Conseîr Comunâl si apliche il come 2 dal art.45 citât chi parsore.

#### Art. 14 LIS COMISSIONS CONSILIÂRS

1. Lis Comissions a àn il compit di judâ i lavôrs de assemblee, fasint ativitât preparative in ordin aes propuestis di deliberazion e a altris cuistions proponudis al Consei.
2. I components de Zonte competents par materie e i funzionaris che a àn la responsabilitât istrutorie des praticis metudis in discussion, a cjapin part ai lavôrs de comission ma no àn dirit di vôt.
3. L'esam des propuestis di deliberazion al è contestuâl ae relazion introdutiva dal Assessor competent.
4. Ducj i argomenti metûts in discussion a son votâts cu la forme a palês, a maiorance semplice, e i risultâts a son metûts a verbâl dal funzionari prepuest.
5. Ai components di comission, par fâ i lôr lavôrs
6. Lis sentadis des Comissions a son publichis, cjavâts fûr i câs previodûts de Leç o dal Regolamento.
7. Il Consei Comunâl al pues ancje, cu la maiorance absolute dai soi components, istituî al so interni comissions di ricerche su la ativitât de Aministrazion.
8. Il Consei Comunâl, cu la maiorance absolute dai soi components, al pues dâ dongje comissions di control o di garanzie. La presidence di chestis comissions e je dade ae minorance.
9. I podês, il numar des comissions, la composizion e il funzionament des comissions daûr dal come 1,7 e 8, a son disciplinâts dal Regolamento Comunâl.

#### Art. 15 DISPONIBILITÂT STRUTURIS COMUNÂLS

1. Ai Conseîrs Comunâi e je garantide la disponibilitât di locai adats, imprescj e risorsis finanziariis par il davuelziment dai soi compits istituzionâi di direzion e di control.

2. Il regolament al fisse lis modalitâts che a garantissin l'esercizi dal drit che si illustre tal come precedent, e ancje par l'esercizi dal drit di libare vision dai ats e di consultazion cui uficis.

Art. 16  
PREROGATIVIS DAI CONSEÏRS

1. I ConseÏrs Comunâi, tai câs specifics indicâts de Leç, a son tignuts al rispiet dal segret di ufici.
2. I ConseÏrs Comunâi a àn drit di interogazion, interpelance, mozion, ordin dal di, emendament e risolucion. Cheste facultât e je esercitade tes formis e tai mûts previodûts dal Regolament e da la Leç.
3. Il Sindic o i assessôrs di lui delegâts a rispuindin aes interogazions dentri di 30 dîs e a chês altris istancis presentadis dai conseÏrs su la fonde dal regolament interni presint pes sentadis dal Consêi comunâl.
4. **Tai câs di rispueste mancjade aes interogazions, interpelancis, mozions e a ogni altre istance di sindacât ispetîf dentri dal tiermin secont dal come 3, chel che al propon al podarà tornâ a fâ la domande formalmentri. Passâts ancjemò 15 dîs cence une rispueste, il Segretari Comunâl al curarà la afission ae liste pretorie de copie dal at fat dal sindacât ispetîf cu la precisazion “ancjemò a vuê cence riscuintri”. Passâts ancjemò 10 dîs il Segretari Comunâl al proviodarà ae affission de copie dal soredit at inte vetrinis plaçadis tai puescj publics di dut il teritori comunâl.**

CJAPITUL II  
LA ZONTE COMUNÂL

Art. 17  
COMPOSIZION

1. La zonte Comunâl e je formade dal sindic, che la presiêt, e di un numar massim di sîs assessors.
2. A puedin jessi membris de Zonte, par no plui di un tierç dai soi components, ancje citadins che no fasin part dal Consêi ma che a àn i requisîts di eleibilitât e compatibilitât ae carghe di ConseÏr Comunâl.
3. I Assessôrs che no son ConseÏrs a partecipin aes sentadis consiliârs e a chês des comissions consiliârs cence drit di vôt.
4. La zonte si dâ dongje in sentade che no je publice e e je convocade dal Sindic. A lui i spiete la determinazion dai argoment di meti al ordin dal di. Pe validitât des sentadis e covente la presince di metât plui un dai components.

5. I components de Zonte comunâl competents te suaze di urbanistiche, di edilizie e di lavôrs publics a scuegnin evitâ di praticâ ativitâts professionâls in materie di edilizie private e publiche tal teritori aministrât di lôr.
6. No puedin fâ part de Zonte: chel che al à maridât, i assendents, i dissendents, i parincj e parincj par leç di tierç grât dal sindic. Lôr no puedin jessi nomenâts rapresentants dal Comun.

Art. 18  
ELEZION DAL SINDIC

1. Il Sindic al è elet dai Citadins a sufragji universâl e diret daûr lis disposizions detadis de leç e al è membri dal Consei.

Art. 19  
NOMINE DE ZONTE

1. Il Sindic al nomene i components de Zonte, fra chei al è un vicesindic, e indi dâ comunicazion al Consei te prime seguitive ae elezion insieme ae proposte des direzions gjenerâls di guvier.
2. Il Sindic al pues revocâ un o plui assessôrs, ma al à di dâ al Consei une motivade comunicazion.

Art. 20  
COMPETENCIS DE ZONTE

1. La Zonte e da une man al Sindic te aministrazion dal Comun e e agjîs midiant des deliberazions colegjâls.
2. La Zonte e fâs duçj chei ats che rientrin tes funzions dai orghins di guvier cussì come previodût tal articûl 48, come 2, dal D.Lgs. 18.08.2000, n. 267, che no sedin riservâts de Leç al Consei e che no rientrin tes competencis, - previodudis des Leçs o dal Statût - , dal Sindic, dai orghins di decentrament, dal Segretari, dal diretôr gjenerâl, se nomenât, o dai funzionaris dirigjents. La Zonte e colabore cul Sindic te metode in vore des direzions gjenerâls dal Consei, e riferîs une volte al an al Consei su la sô ativitât e e davuelç ativitâts propositivis e di sburt tai confronts di lui.
3. Fer ce che al dispon il come 1, la Zonte Comunâl, tal esercizi di assegnazions governativis, in particolâr:
  - a) e propon al Consei Comunâl i regolaments, predisponûts di acuardi cui cjâfs grup;
  - b) e aprove i progjets, i programs esecutîfs, disens atuâtîfs dai programs e duçj i provediments che a compuartin impegnis di spese sui stanziaments di bilanç e che no sedin riservâts de Leç o dal Regolament di contabilitât ai Responsabili dai Servizis comunâi;

- c) e elabore liniis di orientament, e inmanee disens e propuestis di providiments che a àn di jessi sotometùts aes determinazioms dal Consei Comunâl;
- d) e assum ativitàs di iniziative, di sburt e di racuardi cui orghins di partecipazion e di decentrament;
- e) e approve i Regolaments sul ordinament dai Ufìcis e dai Servizis tal rispìet dai criteris gjenerài fissàts dal Consei;
- f) e dispon la acetazion o il refût di lassits e donazioms;
- g) e fìsse la date di clamade dai comizis par i referendum comunài e e constituis l'ufici comunâl pes elezioms par controlâ la regolaritàt dai procediments;
- h) e esercite, daspò che si son dedeterminàts i coscj e precisàts i mieçs, funzioms conferidis de Provincie, Regjon e Stât che no sedin de Leç e dal Statût espressiontri assegnadis a un altri orghin;
- i) e fâs bon i ordins dal dì che al trasmetarà al Consei Comunâl te prime sentade buine;

### CJAPITUL III SINDIC

#### Art. 21 COMPETENCIS DAL SINDIC

1. Il Sindic, come sejalin plui alt de Aministrazion Comunâl, al è l'orghin responsabil de aministrazion, al rapresente il Comun par cualsisei efiet di Leç e confermadis lis competencis daûr dal articûl 50 dal D.Lgs. 18.08.2000, n. 267, e des disposizioms di Leç presintis nazionâls e regjonâls, di massime:
  - a) al clame dongje e al presiêt il Consei e la Zonte, al esercite lis funzioms assegnadis de Leç, dal Statût e dai Regolaments, al tutele lis prerogativis dai conseîrs e al garantìs il davuelziment des lôr funzioms;
  - b) al soreintint al funzionament dai servizis e dai ufìcis, e ancje ae esecuzion dai ats e al da lis diretivis al Segretari Comunâl come ancje ai rapresentants dai servizis, tant che l'implant comunâl al vedi un regolâr funzionament e a sedin prevignuts, o dut câs sinceràts, pussibii câs di responsabilitât individuâl e di inutilitàt. Tal câs che si trati di inerzie e di compuartaments che no van daûr des aprovazioms dai orghins comunài, il sindic al ative ducj i procediments che a coventin e che a son previodùts de Leç;
  - c) al rapresente il Comun ae Assemblee dai Consorzi comunài e provinciài pe gjestion associate di un o plui servizis. Par chest assum al pues nomenâ un so delegât; lis sôs credenziâls e lis resons a àn di jessi



presentadis te sentade dal Consei Comunâl. Te stessee maniere si va indenant cu la revoche de deleghe e cu la nomine di un gnûf delegât;

- d) al promôf il compiment di acuardis di program e al proviôt al sfrancjament dai compits previodûts de Leç par chel che al rivuarde la revision dai Consorziis e des altris formis di associazion;
  - e) al esercite, tal ambit de ecezionalitât secont lis normis juridichis parcè che al rivuarde il segret o la pussibilitât di mandâ fûr lis informazions dai ats, lis azions pe tutele dal interès dal comun e dal dirit ae riservatece des personis;
  - f) al promôf e al ten bot aes cuistions, al à il podê di acuardâ, transizi, cun la aprovazion de Zonte Comunâl che a je i spiete la pussibile nomine dal legâl; infûr che pe materie tributarie che e je di competence dal responsabil di servizi;
  - g) al propon la convocazion di conferencis di servizi cuant che e ven fûr la ocasion dal esam di plui interès publics insieme cjapâts dentri intun procediment aministratîf di iniziative comunâl;
  - h) al passe ai ciâfs-grup dal Consei comunâl, insieme ae lôr publicazion te liste pretorie, lis deliberazions adotadis de Zonte Comunâl.
2. Su la fonde des direzions fissadis dal Consei il Sindic al proviôt ae nomine, ae designazion e ae revoche dai rapresentants dal Comun li di ents, aziendis e istituzions.
  3. Dutis lis nominis e lis designazions a àn di jessi fatis dentri cuarantecinc dîs dal insediament, ven a stâi dentri i tiermins di scjadince de incarghe di prin. In mancjance il Comitât Regionâl di contrôl al fâs bogns i provvedimenti sostitutîfs daûr dal art. 136 dal D.Lgs. 18.08.2000, 267.
  4. Il Sindic al nomine i responsabii dai uficis e dai servizis, al assegne e al fisse lis incarghis dai dirigjents e chês pes colaborazions esternis daûr lis modalitâts e i criteris fissâts dal art. 109 dal D.Lgs. 18.08.2000, 267 e seguitîfs, e ancje dal Statût e dai Regolaments.
  5. Il Sindic al nomine il Segretari Comunâl, sielzintlu te Liste di pueste e i dâ diretivis daûr lis direzions funzionâls e di vigilance par dute la gjestion aministrative di ducj i uficis e i servizis.
  6. Il sindic, o cui par lui par leç, al esercite, daûr dai câs previodûts de Leç, lis funzions di uficiâl dal guvier. Se il Sindic, o il so vicjari, nol adote (fâs bogns) i provvedimenti contemplâts de Leç, il prefet al proviôt cuntune sô ordenance.
  7. Al da al Segretari Comunâl, se ai pâr il câs, lis funzions di Diretôr Gjenerâl.
  8. Il Sindic, o cui che al fâs lis sôs funzions, che nol meti in vore ce che ai tocje par leç, al pues jessi dispensât dal Prefet che lu rimplace cuntun commissari che al à di puartâ indenant lis stessis funzions. L'Ent interessât al proviôt aes spesis par il commissari.

9. Il Sindaco, par l'esercizio des funzioni daûr dai comis prime, si avâl dai uficis e dai servizis dal comun.
10. Il Sindaco al jentre in cariche daspò la proclamazion, daûr lis modalitâts fissadis de Leç.
11. Il distintîf dal Sindaco e je la fesse tricolôr cul steme de Republiche Taliane e dal Comun di Puçui, che si à di puartâ a tracole su la spale diestre.
12. Il Sindaco, daûr dal D.Lgs. 18.08.2000, n.267, al pues rimeti a un Conseîr Comunâl l'esercizio des sôs funzioni. La deleghe e pues vê dome relevance interne e finalitâts consultivis, gjavât fûr ce che al proviôt l'art. 54 dal D.Lgs. 18.08.2000, n.267.

## Art. 22 VICE SINDIC

1. Il Vice Sindaco al è nomenât dal Sindaco e al à la deleghe gjenerâl par esercizi di dutis lis funzioni dal Sindaco tal câs che nol puedi jessi presint o che al vedi cualchi pidiment.
2. I Assessôrs, tal câs che a mancjin o a sedin pidimentâts sedi il Sindaco che il Vice Sindaco, a metin in vore lis funzioni sostitutivis dal Sindaco daûr l'ordin di elencazion dal decret di nomine.

## Art. 23 SFIDUCIE COSTRUTIVE, REVOCHE E SOSTITUZION

1. Il vôt contrari dal Consei Comunâl par une propueste dal Sindaco o de Zonte no compuarte par farce lis lôr dimissions.
2. Il Sindaco e la Zonte a lassin la cjarie tal câs che il Consei al fasi buine la mozion di sfiducie cun clamade nominâl de maiorance assolude dai siei components.
3. La mozion di sfiducie e à di jessi mutivade e sostignude di almancul doi cuints dai conseîrs assegnâts cence in chest câs contâ il Sindaco; e à di jessi metude in discussion passâts dôs e dentri i trente dôs de sô presentazion.
4. Se la mozion e ven fate buine, si vâ indenant cul dissioziment dal Consei e ae nomine di un commissari daûr des Leçs presintis.

## Art. 24 DIMISSIONS, IMPEDIMENTS, RIMOZION, DECADENCE

1. Tal câs che a sedin dimissions, impediment permanent, rimozion, decadence o muart dal Sindaco, la Zonte e decjât e si vâ indenant cul dissioziment dal Consei. Il Consei e la Zonte a restin in cjarie fintremai la elezion dal gnûf Consei e dal gnûf Sindaco. Lis funzioni dal Sindaco a son davueltis dal Vicesindaco fin aes soreddis elezions.

2. Il Vicesindic al cjape il puest dal sindic cuant che al è assent o al à un impediment di passaç e anje cuant che l'esercizi des funzions al è suspendût daûr de Leç.
3. Lis dimissions presentadis dal Sindic a diventin buinis e irevocabilis daspò che al è passât il tiermin di vincj dîs de lôr presentazion al Consei. Se chel al è il câs si vâ dilunc cul dissioziment dal Consei, e il Vicesindic al fâs lis funzions dal sindic daûr de L.R. n. 23/1997,art.23.
4. Il dissioziment dal Consei comunâl al puarte in dut câs ae decadence dal Sindic, e anje des Zontis relativis.
5. Lis dimissions de cjarie di Conseîr indreçadis al Consei, a varan di jessi cjapadis sù daurman dal protocol dal Ent. Chestis a son irevocabilis, no àn bisugne di prese d'at e a son subitê eficacis. Il stes Consei, dentri e no plui tart di dîs dîs, al à di lâ indenant cu la relative sostituzion.

Art. 25  
RESPONSABILITÂT

1. Pai Aministradôrs e pal personâl dal Comun si doprin lis disposizions presintis par ce che al tocje la responsabilitât dai impleâts civîi dal Stât e previodudis dal Regolament.

Art. 26  
OBLIC DI ASTENZION

1. I membrs dai orghins comunâi, gjavadis fûr lis causis di no eleibilitât e incompatibilitât, a no puedin partecipâ ae discussion e ae votazion des delibaris daûr dal art. 78 dal D. Lgs. 18.08.2000, n. 267.
2. La proibizion daûr dal come parsore e compuarte l'oblic di dislontanâsi de sale des adunancis dilunc la tratazion di chescj interes.

TITUL III  
ORGHINS BUROCRATICS E UFICIS

CJÂF I  
SEGRETARI COMUNÂL

Art. 27  
OBLIC DI ASTENZION

1. Il Segretari comunâl al è nomenât dal Sindic, che di lui al dipint pes sôs funziions e al è sielt te liste di pueste.
2. Il consei comunâl al pues fâ buine la stipulazion di convenziions cun altris Comuns pe gjestion convenzionade dal ufici dal Segretari comunâl.
3. Il stât juridic e il tratament economic dal Segretari Comunâl a son fissâts de Leç e de contratazion coletive.
4. Il Segretari Comunâl al dâ consulence juridiche ai orghins dal Comun, ai singui conseîrs e ai uficis.

Art. 28  
FUNZIONI DAL SEGRETARI COMUNÂL

1. Il Segretari comunâl al cjape part a lis riunions de zonte e dal consei, e ‘ndi bute jù il verbâl che al sotscrif adun cul Sindic.
2. Il Segretari comunâl al pues cjapâ part a comissions di studi e di lavôr interni al ent e, cu la autorizazion dal Sindic a chês esternis; su domande al esprim parês e valutaziions di caratar tecnic juridic al Consei e ae Zonte, al Sindic, ai assessôrs e ai singui conseîrs.
3. Il Segretari comunâl al racuei dai conseîrs lis domandis di trasmission des deliberaziions de zonte sogjetis al pussibil control dal CO.RE.CO.
4. Al ricêf lis dimissions dal Sindic, dai assessôrs e ancje lis propuestis di revoche e la mozion di sfiducie.
5. Il Segretari comunâl al stipule i contrats dal Comun là che l’ent e je une part cuant che no covente la assistance di un nodâr; al autentiche lis scrituris privadis e i ats unilaterâi tal interès dal Ent, e al esercite ogni altre atribuzion previodude dal statût, dal regolament o che i sedi stade dade dal Sindic.

Art. 29  
VICESEGRETARI

1. Un funzionari diretîf che al vedi la laurea in giurisprudence o economie e cumierç o siencis politichis o une laurea ecuivalent, in plui des atribuzions specifichis previodudis dal mansionari pal puest cuviert, al pues jessi incargât de Zonte Comunâl pes funzions “vicjariis” o “ausiliariis” dal Segretari Comunâl, di davuelzi dome tal câs di assence o impediment par mutîfs di fat o di dirit dal titolâr dal ufici.

Art. 30  
PRINCIPIIS STRUTURÂI E ORGANIZATÎFS

1. La Aministrazion dal Comun si met in vore midiant une ativitât par obietîfs e e à di jessi indreçade daûr chescj principis:
  - a) implant di lavôr no plui par singui ats ma par progjets e par programs ;
  - b) analisi e determinazion de produttivitât e dal grât di eficacie;
  - c) individuazion di responsabilitât leade strete al cjamp de autonomie di siele dai sogjets;
  - d) superament de separazion nete des competencis te division dal lavôr e massime flessibilitât des structuris e dal personâl;
  - e) ricognossiment e tutele de libare organizazion sindacâl dai lavoradôrs.

Art. 31  
ORGANIZAZION DAI UFICIS E DAL PERSONÂL

1. La Zonte comunâl e dissipline cun ats di pueste la dotazion organiche dal personâl e, daûr des normis dal statût presint, la organizazion dai uficis e dai servizis su la fonde de distinzion tra funzion politiche e di control dade al Consei comunâl, al Sindic e ae Zonte e funzion di gjestion amministrative dade al diretôr gjenerâl e ai responsabii dai uficis e dai servizis.
2. I uficis a son organizâts daûr i principis de autonomie, transparence e eficience e criteris di funzionalitât, economicitât di gjestion e flessibilitât de struture.
3. I uficis a lavorin su la fonde de individuazion des esigjencis dai citadins, justant di continui la lôr azion amministrative e i servizis dâts fûr, tignint cont dal rapuart tra lis necessitâts e la economicitât.
4. I oraris dai servizis vierts al public a vegnin fissâts par lâ incuintri, miôr che si pues, aes necessitâts dai citadins.

Art. 32  
REGOLAMENT DAI UFIGIS E DAI SERVIZIS

1. Il Comun midiant dal regolament de organizazion al fisse lis normis gjenerâls pe organizazion e il funzionament dai uficis, e in particolâr, lis assegnazions e lis responsabilitâts di ogni strutture organizzative, i rapuarts jenfri i uficis e i servizis e tra chesej, il diretôr e i orghins aministratîfs.
2. Il Comun al fâs siei e al met in vore i acuardis coletîfs dal compart unic dal implei public regionâl e locâl dal Friûl Vignesie Julie, fats bogns tes formis di leç, al tutele la libare organizazion sindacâl dai dipendents stipulant cu lis rapresentancis sindacâls i acuardis coletîfs decentrâts daûr lis normis di leç e contratuâls in vore.

Art. 33  
DIRITS E DOVÊS DAI DIPENDENTS

1. I dipendents comunâi, incuadrâts tai rûls organics e ordenâts daûr dal ordenament funzionâl daûr de discipline gjenerâl dal stât juridic e il tratament economic dal personâl, fissâts de leç e dai acuardis coletîfs regjonâi, a davuelzin la lôr ativitât al servizi e tal interès dai citadins .
2. Ogni dipendent comunâl al è tignût a disbratâ cun coretece e sveltece lis mansions che i competin, tignint cont dai rûls e des relativis competencis tal ambît dai uficis e dai servizis, par rivâ a otignî i obietîfs destinâts. Al rispuint diretementi al diretôr, al responsabil dai uficis e dai servizis e, cun di plui, al rispuint par ce che al rivuarde la aministrazion dai ats davuelts e dai risultâts rivâts dal esercizi des sôs funzions.
3. Il regolament de organizazion al fisse lis condizions e i mûts che il Comun al dopre par promovî l'inzornament e la cressite professionâl dal personâl, al sigure condizions di lavôr justis a tignî cont la salût e la integritât dal cjâf e dal cuarp.

Art. 34  
DIRETÔR GJENERÂL

1. Il Sindic, se no risulte stipulade la convenzion di pueste daûr dal art. 108, come 3, dal D.Lgs: 18.08.2000, n.267, al pues dâ lis funzions di diretôr gjenerâl, al Segretari comunâl.
2. Il diretôr gjenerâl al proviôt a puartâ indenant lis direzions e i obietîfs fissâts dai orghins di guvier dal Ent.
3. Il diretôr gjenerâl al soreintint ae gjestion dal Ent par cirî livei otimâi di effiçience e eficacie tra i responsabii di servizi che tal stes moment a rispundin tal esercizi des funzions a lôr destinadis.

4. La durade de incarghe no pues ecedi chê dal mandât eletorâl dal Sindic che al pues procedi cu la revoche tal câs che nol rivi a razonzi i obietîfs fissâts o cuant che al nas un contrast cu lis liniis de politiche amministrative de zonte , e ancje in cualsisei altri câs grâf di oportunitât.

Art. 35  
FUNZIONI DAL DIRETÔR GJENERÂL

Il diretôr gjenerâl al inmanee la propueste dal plan esecutîf di gjestion e dal plan minût dai obietîfs daûr des normis de contabilitât, su la fonde des direzions furnidis dal Sindic e de Zonte Comunâl. Lui in particolâr al à lis funzions chi in rie:

- a) Al met in vore lis direzions e i obietîfs fissâts dai orghins politics istituzionâi, cul jutori dai responsabii dai servizis;
- b) Al controle la eficacie e la eficiencia dai uficis e dal personâl che a lôr al è sorestant;
- c) Al coordene e al soreintint i responsabii dai servizis;
- d) Al fâs sôs lis misuris organizativis justis a scandaiâ il rindiment dai uficis e dai servizis;
- e) Al verifiche ogni an, une volte sintûts i responsabii dai servizis, l'asset organizatîf dal Ent e la distribuzion dal organic reâl, presentant ae Zonte Comunâl e al Sindic pussibii provvedimenti par chel cont.

Art. 36  
RESPONSABII DAI UFICIS E DAI SERVIZIS

1. I responsabii a pensin a coordinâ i uficis e i servizis a lôr dâts su la fonde des direzions vudis dal diretôr gjenerâl se al è nomenât, o sei dal segretari comunâl, e daûr des direttivis dadis dal Sindic e de Zonte Comunâl.
2. Lôr tes lôr competencis a proviodin a gjestî la ativitât dal Ent o a puartâ indenant lis direzions e a rivâ ai obietîfs mostrâts dal diretôr , se al è nomenât, dal Sindic e de Zonte comunâl.

Art. 37  
FUNZIONI DAI RESPONSABII DAI SERVIZIS

1. I Responsabii dai servizis, tignint cont di ce che al proviôt il come 3 dal art. 107 dal D.Lgs. 18.08.2000, n.267 in particolâr:
  - a) a imbastissin i contrats par cont dal Ent;
  - b) a fasin bogns i rûi dai tribûts e dai canui;

- c) a gjestissin lis proceduris di apalt e di concors e a proviodin ai ats de gjestion finanziarie, comprendudis lis assunziions dai impegnis di spese;
- d) a proviodin a dâ fûr lis autorizaziions e lis concessions, gjavâts fûr i câs risiervâts par leç al Sindic;
- e) a soreintindin a lis comission di gare di concors, si cjapin la responsabilît dai relatîfs procediments e a nomenin chei altris membrs;
- f) a dan fûr lis atestaziions e lis certificaziions;
- g) a mandin fûr lis comunicaziions, i verbâi, lis difidis e cualsei altri at che al costituissi manifestaziion di judizi e di cognossince, chi comprendûts, par esempi, i bants di gare e i avîs di publicaziion dai struments urbanistics;
- h) a mandin fûr lis ordenaziions di paiament des sanzions aministrativis e a disponin la aplicaziion des sanzions zontadis te suaze des diretivis dadis dal Sindic;
- i) a butin fûr lis altris ordenancis previodudis des normis di leç o di regolament gjavadis fûr chês indicadis dal art. 54 dal D.Lgs 18.08.2000, n.267;
- j) a promovin i procediments disciplinârs tai confronts dal personâl che a lôr al è sotan e a metin in vore lis sanzions tai limits e cu lis proceduris daûr de leç e dal regolament;
- k) a proviodin a dâ svelte esecuzion aes delibaris dal Consei e de zonte e aes diretivis dadis dal Sindic e dal Diretôr gjenerâl;
- l) a furnissin al diretôr gjenerâl tai tiermins fissâts dal regolament comunâl de contabilitât i elements pe metode jù de propueste dal plan esecutîf di gjestion;
- m) a inmanein e a direzin il personâl in linie cu lis direziions funzionâls par razonzi i obietîfs de aministraziion;
- n) a autorizin lis prestaziions di lavôr straordenari, lis feriis, i recupars, lis missions dal personâl dependent;
- o) a dan fûr lis licencis ai obietôrs di cussience in servizi li dal Comun;
- p) a rispuindin tai confronts dal diretôr gjenerâl, dal mancjât razonzimint dai obietîfs che a lôr a son assegnâts;
- q) a pronunziin lis ordenancis di demolizion dai manufats abusîfs e indi curin la esecuzion;



2. I Responsabii dai uficis e dai servizis a puedin rimeti cualchidune des funziuns a lôr assegnadis, cul assens dal Sindic, al personâl sotan ancje se a restin lôr responsabii dal regolâr davuelziment dai compits assegnats.
3. Il Sindic al pues delegâ ai responsabii dai uficis e dai servizis altris funziuns che no son previodudis dal statût e dai regolaments, dant in merit lis diretivis che a coventin par il lôr just davuelziment.

#### Art. 38

#### INCARGHIS DIRIGJENZIÂI E DI ALTE SPECIALIZAZION

1. La Zonte comunâl, tes formis, cui limits e i mûts previodûts de leç e dal regolament par chel che al rivuarde l'ordenament dai uficis e dai servizis, al pues stabilî, fûr de dotazion organiche la assunzion cun contrat a timp determinât di personâl dirigjenziâl o di alte specializazion tal câs che tra i dipendents dal ent no sedin presintis professionalitâts parelis.
2. La Zonte comunâl tal câs di disponibilitât dal puest o par grâfs mutîfs e pues meti, tes formis e tai mûts previodûts dal regolament, a cjâf di uficis e servizis dal personâl cjapât sù cun contrat a scjadince o incargât cun contrat di lavôr autonom daûr dal art. 110, come 1, dal D.Lgs. 18.08.2000, n.267.
3. I contrats a scjadince no puedin jessi mudâts in timp indeterminât, a mancual che no lu permetin normis di leç a pueste.

#### Art. 39

#### COLABORAZIONS ESTERNIS

1. Il regolament al pues previodi colaborazions esternis, cun alt contignût di professionalitât, par mieç di rapuart di lavôr autonom par obietîfs determinâts e cun convenziuns a tiermin.
2. Lis normis regolamentârs pe assegnazion des incarghis di colaborazion a sogjets estranis ae aministrazion a àn di fissâ la durade, che no podarà jessi plui lungje de durade dal programe, e i criteris pe definizion dal relatîf tratament economic.

TITUL IV  
L'ORDENAMENT FINANZIARI

Art. 40  
DEMANI E PATRIMONI

1. Il Comun al à un so demani e patrimoni in conformitât ae Leç.
2. Ducj i bens comunâi a son scrits in inventaris detaiâts daûr lis normis fissadis dal Regolament par ce che al rivuarde la aministrazion dal patrimoni.

Art. 41  
BENS PATRIMONIÂI DISPONIBII

1. Gjavât fûr ce che al previôt l'art. 2, come 3, dal Statût presint, i bens patrimoniâi disponibii a son doprâts o dâts in afît daûr criteris di economicitât e utilitât publiche, e ancje daûr lis normis presintis.

Art. 42  
CONTRATS

1. Restant fer ce che al previôt il D.Lgs. 18.08.2000, n.267, lis normis relativis al procediment contratuâl a son fissadis dal Regolament.
2. I contrats, butâts jù daûr lis determinazions dal Responsabil dal Servizi, daûr l'art. 192 dal D.Lgs. 18.08.2000, n. 267, che ju permetin, a deventin impegnatîfs par il Comun midiant la stipulazion.

Art. 43  
CONTABILITÂT E BELANÇ

1. L'ordenament finanziari e contabil dal Comun al è disciplinât de Leç. Cun regolament di pueste dal Consei Comunâl a son dadis fûr lis normis relativis ae contabilitât gjenerâl.
2. Ae gjestion dal belanç e previôt la Zonte Comunâl, in comission e a mieç dal Assessôr competent, gjavât fûr il podê di iniziative dal Consei Comunâl.

Art. 44  
REVISÔRS DAI CONTS

- 1 Il Consei Comunâl al elei il Coleç dai Revisôrs dai Conts, componût di trê membrs.
- 2 Par lis carateristicis domandadis ai revisôrs dai conts, la durade in cjarie e lis modalitâts di elezion si fâs riferiment ae Leç; e je facultât dal Consei Comunâl ricognossi un component nomenât de minorance.

- 3 Nol pues jessi elet Revisôr dai Conts, chel che nol è compatibil daûr l'art. 236 dal d.Lgs. 18.08.200, n.267.
- 4 I Revisôrs dai Conts no son revocabii infûr che par inadempience tal mandât; si puedin tornâ a elei nome par une volte.
- 5 I Revisôrs a àn personâl drit di acès ai ats e ai documents dal Comun e facultât di cjapâ part, cence drit di vôt, aes sentadis dal Consei Comunâl. I soredits dirits no son delegabii.
- 6 I Revisôrs a dan une man al Consei Comunâl e, su domande, ai singui Conseîrs te lôr funzion di control e di direzion; a esercitin, daûr lis disposizion dal Regolament de contabilitât, vigilance su la regolaritât contabil e finanziarie de gjestion e a certifichin la corispondence dal rindicont cui esits de gjestion stesse, butant jù une relazion di pueste che acompagni la propueste di deliberazion dal cont consuntîf.
- 7 I Revisôrs a pandin ancje il lôr parê motivât par ce che al rivuarde il contignût dal bilanç di prevision cun particolar riferiment ai siei ecuilibris internis, ae compatibilitât dai investments programâts cu lis risorsis disponibilis, al rapuart coscj/beneficis de gjestion dai servizis; il parê al ven passât ai Conseîrs Comunâi insieme al progjet dal bilanç e ae relazion metude adun de Zonte comunâl.

## TITUL V LA ATIVITĂT NORMATIVE

### Art. 45 AMBÎT DI APLICAZION DAI REGOLAMENTS

1. I Regolaments, daûr dal art. 7 dal D.Lgs. 18.08.2000, n. 267, a incrosin chescj limits:
  - a) no podin cjavâ dentri disposizions che a contrastin cu lis normis e i principis costituzionâi, cu lis Leçs e i regolaments statâi e regionâi e cul statût presint;
  - b) la lôr eficacie e je limitade a la sferes comunâl;
  - c) no puedin cjavâ dentri normis a caratar particulâr;
  - d) no puedin vê eficacie retroative;
  - e) a puedin jessi abolîts dome dai regolaments che a vegnin fat daspò de declarazion proferide dal Consei Comunâl o par incompatibilitât tra lis gnovis disposizions e chês di prime o parcè che il gnûf regolament al regole dute la materie za disciplinade dal regolament precedent.

### Art. 46 PROCEDURE PE FORMAZION DAI REGOLAMENTS

1. La iniziative pe adozion dai regolaments e e tocje ae Zonte Comunâl, a un cuint dai Conseîrs, ae comission consiliâr di pueste.
2. I Regolaments a son adotâts dal Consei Comunâl, daûr dal art. 42, come 2 letare “a”, dal D. Lgs. 18.08.2000, n.267, cu lis modalitâts fissadis dal Regolament interni dal Consei Comunâl.
3. I Regolaments a jentrin in vore, e a diventin eficaçs de date di esecutivitât o eseguibilitât de deliberazion che ju à fats bogns.
4. I Regolaments a àn di jessi dut câs avonde publicizâts di mût che si favorissi la reâl cognossince. A àn di jessi a puartade di ducj chei che a vuelin dâi une cjalade.
5. Lis contravenzions ai regolaments comunâi a son corezudis cun sanzions aministrativis che la lôr entitât e je fissade de Leç o dai stes Regolaments.

TITUL VI  
PARTECIPAZION POPOLÂR

CJÂF I  
ISTITÛTS DE PARTECIPAZION

Art. 47  
LIBARIS FORMIS ASSOCIATIVIS

1. Il Comun al promôf la formazion di organisims cun base associative cul compit di concori ae gjestion dai servizis comunâi, tant che asîi nît, implants sportîfs, culturâi, ricreatîfs, mensis scolastichis e vie indevant.
2. I utents dai soredits servizis a puedin costituîsi in Comitâts di gjestion, daûr lis normis dal Regolament che indi fisse lis funzions, i orghins che ju rapresente e i mieçs.
3. Il Comun al ricognòs la publiche funzion educative e sociâl davuelte da lis scuelis privadis, di fat al pues instaurâ cun lôr rapuarts regolâts di une convenzion di pueste.

Art. 48  
CONSULTAZIONS

1. Il Comun al pues consultâ, ancje daûr de lôr domande, lis organizacions dai sindacâts dai lavoradôrs dipendents e dai lavoradôrs autonomis, lis organizacions de cooperazion e lis altris formazions economichis e sociâls, in particolâr, te cundizion de aprovazion dai imprescj urbanistics, dai plans comerciâi, e di altris ats di particolâr relevance.

Art. 49  
CONSULTIS

1. Il Comun di Puçui al pues indotâsi di consultis, competentis par materie o par teritori, vint il fin di furnî al ent locâl ogni element di cognossince utîl ae istruzion des determinazions di adotâ.
2. Il Consei Comunâl al fisse i mûts di composizion des consultis, al proviôt ae lôr nomine, indi regole la organizazion e il funzionament cun regolament di pueste .
3. La mancjade clamade de consulte no rapresente vizi di legitimitât dal at aministratîf.
4. Il parê pandût des consultis nol à caratar vincolant.

Art. 50  
DIRIT DI PETIZION

1. I citadins e lis organizacions sociâls a puedin indreçâ istancis, petizions e propuestis al Consei comunâl par domandâ provediments o sclarî dibisugnis di interès gjenerâl. Daûr l'acet e la amissibilitât di istancis, petizions si esprim la Conference dai Cjâfs grup.
2. Il Regolament interni dal Consei Comunâl al fisse lis modalitâts di esercizi dal drit di istance, petizion e propueste.

Art. 51  
REFERENDUM CONSULTÎF O PROPOSITÎF

1. Al è ametût il referendum consultîf o propositîf su cuestions di rilevance gjenerâl, che a interessin la coletivitât comunâl; no si pues fâ tai câs chi sot:
  - a) statût comunâl;
  - b) regolaments pal funzionament dal Consei Comunâl e di Contabilitât;
  - c) provediments che a rivuardin il personâl e i ents leâts al Comun;
  - d) convenzions, contrats e ats economics in gjenerâl;
  - e) tribûts, tarifis e contribuzions, altris jentradis che tocjin al Comun;
  - f) bilanç;
  - g) dispropiazions par publiche utilitât;
  - h) designazions, nominis e elezions;
  - i) cuant che i procediments aministratîfs, ogjets dal referendum, a sedin sierâts.
2. Si va dilunc cul referendum:
  - a) tal câs che al sedi deliberât dal Consei Comunâl cu la maiorance assolude dai Conseîrs destinâts al Comun (Referendum consultîf);
  - b) cuant che il Comitât dai garants, che si cjacare di lôr tal come 4, al ritegni di fâ buine la propueste presentade di almancul 100 citadins e cuant che il 20% dai Eletôrs lu vedin domandât tal stes moment che je stade depositade la richieste di referendum.
3. La propueste dal referendum e à di jessi presentade tai tiermins e tai mûts previodûts dal Regolament.
4. Il judizi di amissibilitât che al ven prime de racuelte des firmis dal Referendum e spiete al Comitât dai garants previodût dal regolament di pueste.

5. Il Referendum al è inmaneât cun delibare dal Consei Comunâl, su propueste de Zonte, o diretementi di cheste in cont des materiis che i competin, dentri di 90 dîs dal dipuesit des firmis li dal Segretari Comunâl.
6. Lis decisions dal Consei Comunâl o de Zonte Comunâl e la date pussibile di davuelziment de consultazion eletorâl a àn di jessi comunicadis a chei che lu àn presentât no plui tart di trente dîs de determinazion fate.
7. La date de consultazion referendarie e je decidude dal Consei Comunâl e e je pandude ae citadinance midiant un manifest di pueste, di tacâ te liste pretorie comunâl e intai puecj publics previodûts de leç, no plui tart di 30 dîs prin de date fissade pe votazion.
8. Inmaneât il referendum no si va a tocjâ la efficace e la operativitât dai ats cjavâts dentri tal procediment referendari.
9. Il Referendum al è valit se ae consultazion e à cjavât part la metât plui un di chei che a àn dirit di votâ. In chest câs il Consei Comunâl al è tignût a dî la sô su l'esit de consultazion.
10. Tal cors dal an solâr no pues tignîsi plui di une consultazion referendarie. Il numar massim di cuesîts al è fissât dal Regolament.
11. Il Consei Comunâl al predispon ogni an tal bilanç la prevision di spese par il davuelziment dai referendum.
12. Dentri dai 60 dîs de proclamazion dal esit positîf dal referendum, la Zonte Comunâl e je tignude a proponi al Consei Comunâl o a deliberâ di besole un provediment vint par ogjet il cuesît sopognet a referendum.

## CJÂF II PARTECIPAZION AL PROCEDIMENT

### Art. 52 DIRIT DI PARTECIPAZION AL PROCEDIMENT

1. Gjavâts fûr i câs là che la partecipazion al procediment e je disciplinade de leç e dulà che no sedin rasons di impediment che derivin di particolârs esigjencis di sveltece, il Comun al sigure la partecipazion al procediment aministratîf dai sogjets che tai confronts di lôr il provediment conclusîf al è destinât a produci i siei efets.
2. Lis modalitâts di partecipazion al procediment aministratîf a son fissadis dal regolament, daûr ce che e proviôt la Leç e chest Statût.

CJÂF III  
DIRIT DI ACÈS E DI INFORMAZION

Art. 53  
PUBLICITÂT DAI ATS

1. Ducj i ats dal Comun a son publics, gjavâts fûr chei riservâts par leç o par efiet di une provisorie e mutivade declarazion dal Sindic, che indi improibissi la esibizion, cuant che la lôr circolazion e puedi contrastâ il dirit ae riservatece des personis, dai ents o des impresis.

Art. 54  
DIRIT DI ACÈS

1. Ducj i citadins, ognun par lôr cont o metûts adun, a àn dirit di consultâ i ats e i provvedimenti fats bogns dai Orghins dal Comun, daûr lis modalitâts fissadis dal Regolament.
2. Il Regolament al fisse ancje il dirit dai Citadins, singui o metûts adun, di rivâ a vê in man i ats e i provvedimenti, che di lôr si cjacare tal come di prin, paiant nome i coscj e l'impueste di bol cuant che si è tignûts a paiâle.

Art. 55  
PERIODIC DI INFORMAZION

1. Il Comun al proviôt, cun scjadince par solit anuâl almancul, ae publicazion di un periodic, imprest dal Consei Comunâl, che al vedi nome fins di caratar informatîf, culturâl e formatîf.
2. Il periodic al è viert al contribût dai Citadins, sedi in forme singole che associate.
3. Un Regolament di pueste al fisse formis e modalitâts de publicazion, tignint cont in particolâr:
  - a) improibizion di cualsisei forme di propagande, politiche e eletorâl;
  - b) il diviêt di publicazion tai cuatri mêis prin che si torni a fâ il Consei Comunâl;
  - c) puescj adats riservâts ae minorance consiliâr e ai Citadins;
  - d) la formazion di un Comitât di redazion, daûr criteris di rapresentativitât.
4. Il Comun al previôt tal so bilanç un just stanziament di mût di assegnâ un finanziament pe publicazion dal periodic.



## CJÂF IV DIFENSÛR CIVIC

### Art. 56 ISTITUZION, ATRIBUZIONI

1. Par garantî la legalitât, la imparzialitât e il bon andament, la Aministrazion Comunâl e pues dâ dongje l'ufici dal Difensôr Civic, ancje in cunvigne cun altris ents locâi.
2. Ai tocje al Difensôr Civic tignî di voli, daûr de domande dai singui Citadins, o dai Ents publics o privâts e di Associazions, il regolâr davuelziment des lôr praticis li de Aministrazion.
3. Il Difensôr Civic al va indevant di ufici cuant, in fuarce des sôs funzions metudis tal come di prin, si sincire di câs indulà che si domande il so intervent, ven a stâi cuant che al à gnovis di abûs.
4. I Conseîrs Comunâi, tal ambît des lôr funzions e de lôr ativitât istituzionâl, no puedin indreçâ la domande di intervent al Difensôr Civic.

### Art. 57 RAPUARTS CUI ORGHINS COMUNÂI

1. Il Difensôr Civic, dilà di mandâ lis comunicazions diretis ai Citadins, che a àn produsût la azion, al mande al Sindic e al Segretari Comunâl relazions detaiadis che a lôr volte a proviodin a mandâ copie ai **Ciâfsgrup** pes justis determinazions.

## TITUL VII REVISIONS DAL STATÛT

### Art. 58 MODALITÂTS

1. Lis deliberazions di revision dal Statût a son fatis buinis dal Consei Comunâl cu lis modalitâts che di lôr si dîs tal art. 6, come 4, dal D.Lgs. 18.08.2000, n. 267.
2. La propueste di revision si intint parade indaûr cuant che no rive a vê il vôt favorevul de maiorance absolute dai Conseîrs assegnâts tes primis dôs sentadis che a vegnin subit dopo il mancjât otigniment dal vôt favorevul dai doi tierçs dai Conseîrs.

### Art. 59 DISPOSIZIONS FINÂLS E TRANSITORIIS

1. Il Regolament interni dal Consei Comunâl al è fat bon dentri dai 180 dîs de jentrade in vore dal presint Statût.
2. Fintremai la adozion dai gnûfs Regolaments a restin in vore, tes parts che no van cuintri a lis Leçs dal Stât, de Regjon e dal presint Statût, lis normis fatis buinis dal Comun daûr la legislazion di prime.